



傷寒瘟疫條辯卷三

頭目眩

眩者頭旋眼黑也。傷寒頭眩多因汗吐下虛。其上焦元氣之所致也。傷寒邪在平表半裏。表中之陽虛。當時時頭目眩。葛根湯風家多頭目眩。亦當解肌。葛根湯。傷寒論曰。少陽口苦咽乾目眩。小柴胡湯。加天麻川芎。傷寒論曰。陽明病。但頭眩不惡寒。故能食而咳。其人必咽痛。能食。為陽明中風。四逆散。加天麻。桔梗。傷寒論曰。太陽傷寒。誤吐誤下後。心下逆滿。氣上衝胸。漣漣時則頭眩。表虛不脈。沉緊。邪在裏。發汗則動經。身為振振搖者。汗則外動。經絡損傷。陽氣則不能主持諸脈也。桂苓甘朮湯。以溫經。益陽。或真武湯。以實衛。止汗。按真經云。上虛則眩。下虛則厥。頭目眩。皆屬虛。當溫經補陽之劑。吳氏治傷寒。汗出過多。頭眩身搖。發熱。脈虛。數人。參養榮湯。倍人參。加天麻。少佐酒炒黃柏。二服而愈。易老云。頭旋眼黑。非天麻不能定。少佐黃柏。以滋腎水也。若血虛頭眩。四物湯。加人參。天麻。氣虛頭眩。四君子湯。加天麻。川芎。伏痰頭眩。二陳湯。加南星。白朮。天麻。川芎。內兼痰火上攻。再加酒炒黃芩。竹瀝。姜汁。若元氣虛成者。人參養榮湯。大建中湯。俱加天麻。川芎。內傷勞役者。補中益氣湯。加天麻。川芎。惟溫病頭目眩。及頭脹頭痛。頭汗。並目赤。目黃。目不明。目直視。目反折。與傷寒治法不同。俱係雜氣伏鬱中焦。膈熱亢閉。上攻頭目。乃胃家實也。通宜升降散。加味涼膈散。清利之。頭眩疼量加大黃。目眩赤。等證量加龍膽草。酒炒。

咳嗽

咳謂有聲無痰。嗽謂有痰無聲。咳嗽則有聲有痰也。肺主氣。形寒飲冷則傷之。使氣逆而不散。衝擊咽膈。令喉中涇涇如癢。習習如梗。而咳嗽也。有寒者有熱者。有停飲者。有在表者。有在裏者。有在平表半裏者。病各不同。治亦有異。如傷寒停飲。與表裏相合而咳嗽者。小青龍湯。或金沸草散。停飲與裏寒相合而咳嗽者。真武湯。邪熱在平表半裏。而咳嗽者。小柴胡湯。加貝母。知母。天花粉。肺熱去人參。加沙參。凡陰證手

足厥逆而咳嗽者四逆湯加五味子。若溫病伏熱內鬱咳嗽白虎湯合升降散。小清涼散加竹葉。若煩悶則加味涼膈散增損三黃石膏湯並加桔梗。夫咳為肺疾必待發散而後已。然又有不可發散者傷寒論曰咳而小便利不可發汗發汗則四肢厥逆。又曰咳而發汗蹇而苦滿腹中復堅此為逆也。不知發汗尤為溫病所大忌者豈止小便利一節乎。又咳而脈數者為心火刑肺金則死。

口燥咽乾

引飲曰渴不引飲曰燥。凡傷寒少陽邪在中焦口苦舌乾不甚渴脈弦者小柴胡湯。少陽脈弦往來寒熱而嘔口燥咽乾者小柴胡湯。口乾少津液脈浮緊微數者白虎湯。人參湯陽明無大熱背惡寒口燥咽乾者白虎加人參湯。少陰病得之二三日口燥咽乾急下之以存津液。大承氣湯此熱在下焦燥枯腎水下不可緩也。若溫病怫熱內鬱未有不口燥咽乾者小清涼散增損三黃石膏湯再看兼證消息之。凡傷寒汗吐下後津液少口燥咽乾及虛人水衰火旺口燥咽乾以補陰益氣煎加冬麥黃柏知母天花粉以滋其水。若脈沉足冷者多難治溫病下後須酌之不可驟補。脈沉足冷宜大下之不可輕視者重候也。

咽痛

凡傷寒咽痛有多般務宜詳辨不可一例以為熱也。太陽病誤下脈若浮緊必咽痛此熱邪仍在上膈也。小建中湯加桔梗誤汗亡陽漏風而咽痛此陰虛而陰氣上乘也。乾薑附子湯陽明病六七日不大便熱蒸頭痛而咽痛者調胃承氣湯熱傳少陰而咽痛者以其經上循喉嚨故也。脈必數而有力證必燥渴引飲小便秘瀕短赤急當下奪以泄其熱也。大承氣湯少陰咽痛四逆瀉利下重者四逆散加薤白桔梗少陰病一二日咽痛者與甘草桔梗湯即瘥此湯為陰陽通用之劑少陰病下利清穀裏寒外熱脈微欲絕面赤咽痛此陰盛格陽也通脈四逆湯加桔梗有直中陰經而咽喉驟痛不腫不渴始病無發熱頭痛脈來沉緊而細或疾數無倫或嘔吐清水或瀉利清穀或燥極悶亂渴不能飲此寒氣客於少陰之經虛陽

傷寒溫病
大渴欲飲
涼水而飲
醫藥用不
傷寒溫病
大渴欲飲
涼水而飲
醫藥用不

上逆之候。附子湯。乾薑附子湯。加人參。急溫之。或可療救。大抵陽邪上逆而咽痛。宜甘寒以解其熱。陰寒邪寒而咽痛。宜辛溫以解其結。此大較也。若夫腎氣本虛。龍火熾盛。必挾痰飲於上。而腫痛閉塞也。當硬破出血。湧泄痰涎。後用六味地黃丸料。加牛膝。麥冬。五味子。頻服。又有真陰虧損。腎水枯涸。陰寒直中而咽痛者。附子理陰煎。大劑濃煎飲之。若溫病。沸鬱中焦。流佈上下。即見少陰經口燥舌乾。咽喉腫痛不利之證。以其脉貫腎。終於肺。繫舌本故也。增損雙解散。加元參。牛蒡子。或增損普濟消毒飲。倍桔梗。加荊芥。穗。升。降。散。尤為對證之藥。

渴

凡傷寒發渴。或因熱耗津液。或因汗下太過。當分六經而治。太陽熱在表不渴。若熱入膀胱之本。脉浮數。小便不利。微執發渴者。五苓散。切不可與白虎湯。陽明病。脉長。標熱不惡寒。無汗而渴者。葛根湯。加黃芩。知母。減麻黃二錢。若陽明執傳胃中。本熱惡熱。藏藏汗出而渴。脉洪大。而數者。白虎湯。切不可與五苓散。若陽明本熱內實。或蒸蒸而熱。潮熱煩渴。口燥咽乾。大便實者。調胃承氣湯。或大柴胡湯。少陽脉弦數。口苦咽乾。發熱而渴。及心煩喜嘔而渴。或往來寒熱而渴。並宜小柴胡湯。去半夏。加陳皮。知母。麥冬。天花粉。太陰自利。則不渴。惟少陰則口渴飲水也。小便色白者。此下虛有寒也。脉沉。附子湯。厥陰渴欲飲水者。少少與之。愈。以其傳經盡。欲飲水為欲愈之候也。若身寒厥逆。脉滑而口渴者。此裏有熱也。白虎加人參湯。凡陰證煩燥口渴。不能飲水。此虛陽上迫。而為假熱。脉沉足冷者。四逆湯。加人尿。猪膽汁。冷飲之。若溫病一發。即燥渴引飲。以鬱熱自內而達外也。故直格曰。身熱為熱在表。引飲為熱在裏。溫病本未身冷不渴。小便不赤。脉不洪數者。未之有也。輕則白虎湯。加粳米。蠶蟬。蛻。天花粉。重則增損三黃石膏湯。加大黃。凡病忽欲飲水者。為欲愈。蓋腸胃燥不能散邪。得水則和其胃氣。汗出而解。若不與水。則乾燥無由作汗。遂至悶亂也。但當察邪熱之輕重。蓋少與之。若熱少與多。不能滲化。則停蓄為支結。喘嘔下利。腫滿等證。要

解何故

景岳此論
發前人見
未曲人害
溫病飲涼
水而汗出
熱退此即
助義解也
即裏熱清
之表邪自
解之義也
對真對假
真對真假
對假者此

訣曰亦有下利清穀。純是陰證。而反見渴者。此陰在下。格陽於上。兼因洩泄。津液既去。枯燥而渴。雖引飲自少。而常喜溫。不可投寒劑。宜理中湯加附子。四逆湯加人參以溫之。○景岳曰。水為天一之精。涼能解熱。甘可助陰。非若寒傷氣者之比。加陽虛無火者。其不宜水。無待言也。其有陰虛火旺者。元氣既衰。精血又涸。則津液枯燥。多見鼻乾唇烈。舌胎黑色。二便閉結。使非借天一之精。何以濟燃眉之急。故先以水水解其標。繼以甘溫壯水之劑。培其本。水藥並溫。無不可也。其有內真寒而外假熱。陰盛格陽之證。察其元氣。非甘溫大補。則不足以挽回。察其喉舌。則此小辛熱。又不可以近口。有如是者。但將甘溫大補之劑。煎成湯液。用冷水浸冷飲之。此以假冷之味。解上焦之假熱。而以真熱之性。復下焦之真陽。是非用水而實亦用水之意。內經所云。伏其所主。而先其所因。是也。

漱水不欲嚥

傷寒陽明病。凡內有執著。欲飲水。今欲漱水而不欲嚥。是熱在經。裏無熱也。陽明多血多氣。經中熱極。迫血妄行。故知必作衄也。厚角地黃湯加茅花。有太陽表證者。汗之。麻黃湯。外證無寒熱。欲漱水不欲嚥。必發狂。此畜血停留也。桃仁承氣湯下血。乃愈。少陰脈沉細厥逆。時煩燥作渴。欲漱水不欲嚥。四逆湯溫之。又下利厥逆無脈。乾嘔煩渴。欲漱水不欲嚥。白通湯不瘥。白通加人尿猪膽汁湯。大抵陰證發燥煩渴。不能飲冷水。或強勉飲下。良久仍吐出。或飲水而嘔者。皆內寒也。蓋無根失守之火。遊於咽嗝之間。但欲漱水不能飲水也。若飲水不吐。復欲飲者。熱也。若溫病雜氣。怫鬱三焦。邪熱內熾。渴欲飲水者多矣。間或有漱水不欲嚥者。大其人胃中濕飲過甚。或伏火未散。或畜血停留。俱未可知。但口舌乾而不欲嚥也。輕則小清涼散。升降散清降之。重則解毒承氣湯大瀉之。不可拘傷陽明熱在經裏無熱之例也。

嘔吐

嘔者。聲物俱出。吐者。無聲出物。傷寒太陽陽明合病下利而嘔者。葛根加半夏湯。少陽陽明多嘔證。脉弦

發熱口苦而嘔。或寒熱往來而嘔。並宜小柴胡湯。倍半夏生薑。先渴後嘔者。為水停心下。小半夏加茯苓湯。先嘔後渴者。為欲解可與水飲。太陽少陽合病。自利而嘔者。黃芩加半夏生薑湯。少陽邪其發熱嘔不止。心下急。鬱鬱微煩者。大柴胡湯。三陽發熱而嘔。俱用小柴胡湯。發熱不解而煩。伏飲與邪熱相搏作煩悶渴欲飲水。胃乾希水入即吐。伏飲內作水不得入名曰水逆。五苓散傷寒本自寒。格下醫復吐下之。寒格更逆吐下。若食入口即吐。乾薑黃連黃芩人參湯。太陽誤吐下。心中溫溫欲吐。而胸中痛。大便溏。腹微滿。鬱鬱微煩者。調胃承氣湯。若未嘗吐下者。大柴胡湯。太陽腹滿。或吐食不下。脈沉者。理中湯。加厚朴陳皮。半夏生薑。寒甚加附子。少陰脈沉遲。飲食入口即吐。心中溫溫欲吐。復不能吐。手足厥者。四逆湯。厥陰乾嘔吐涎沫者。吳茱萸湯。若嘔而脈弱。小便復利。身有微熱。見厥者。難治。可與四逆湯救之。若下利無脈。乾嘔煩者。白通加人尿猪膽汁湯。若陰厥嘔而不渴。乾薑附子湯。至於溫病嘔吐者。胃中伏火鬱而攻發也。增損三黃石膏湯。加味涼膈散。加石膏清利之。自止。若有宿糞燥結時嘔吐者。此為下格。亦宜加味涼膈散。升降散通之。如病愈後。脈證俱平。往往有下格之證。所云病愈即存是也。但常作吐聲。上下通氣。故不嘔而能食。俟胃氣漸復。津液流通。宿糞自然瀉下也。斷不可攻。如下格常嘔。則氣閉矣。通之則宿糞除而嘔吐止。語云欲求南風。須開北牖。正謂此也。大抵嘔吐清水。即為寒證。若胃中有熱。必是涎液酸水。病機曰諸嘔吐酸水。液渾濁。皆屬於熱。諸病水液澄澈清冷。皆屬於寒。此可見矣。凡胃熱其服藥嘔吐不納者。愈吐愈服。三服後火性漸消。然後徐徐用藥。即不吐。凡過藥不可用甜物。須嚙生薑為妙。按傷寒本自寒下句之下字應是格字。心中溫溫欲吐句溫溫二字應是格飲之狀也。皆當改之。

喘

喘無善證。溫病內熱拂鬱。三焦如焚。氣上衝胸而喘者。加味涼膈散。腹脇滿痛而喘者。解毒承氣湯。若自臍下氣海動氣而喘者。不治。正傷寒則宜辨六經寒熱治之。太陽表有寒發喘者。脈浮緊惡寒無汗也。麻

黃湯加厚朴。表有風發喘者。脉浮緩。惡風有汗也。桂枝加厚朴杏仁湯內有寒。心下有水氣。乾嘔汗出而喘者。小青龍湯。凡發汗後。汗出而喘。無大熱者。表寒未解也。麻黃杏仁甘草石膏湯。太陽經病。誤下之。脉促者。表未解也。喘而汗出者。葛根黃連黃芩湯。陽明病。內實不大便。腹滿短氣。發潮熱而喘者。大柴胡湯加厚朴杏仁。凡陰證厥逆。脉沉細而微。氣促而喘。無汗者。可治。四逆湯加細辛五味子。少陰病。反發熱。脉沉而喘。麻黃附子細辛湯。凡虛人。脉沉手足厥逆而喘者。五味子湯。凡暴感風寒。脉浮無汗而喘者。蘇陳九寶湯。凡熱甚有痰。脉弦滑數而喘者。不可汗。不可下。小柴胡湯。去人參加陳皮貝母天花粉和之。胸滿者。加枳殼桔梗。心下滿者。加枳實黃連。舌燥飲水者。加石膏。知母。凡傷寒止於邪氣在表而喘者。心腹必滿。而不堅。設或腹滿而喘。則又為可下之證。須酌之。大抵諸喘為惡。謂肺中邪甚而兼虛也。所以陰證發喘。尤為惡候。下元虛損之人。腎氣上乘而喘。急以腎氣丸料引火歸原。可救十之一二。若兼動息搖肩。戴眼直視。汗出厥逆者。立斃。以邪氣上盛。正氣欲脫。必至喘滿。經曰。直視謬語喘滿者死。又身汗如油。喘不休者。為命絕也。

短氣

短氣者。氣短不能相續。似喘而不搖肩。似呻吟而無痛處。其證多端。實為難辯。表裏寒熱虛實。稍不明切。誤治者多矣。一者太陽表證不解。汗出不澈。其人面色緣緣正赤。陽氣怫鬱。煩躁不安。其身不知痛所在。而短氣者。宜微汗則愈。桂枝麻黃各半湯。二者太陽病發於陽。而反下之。陽氣內陷。遂成結胸。心下使滿高起。氣促而短。脉沉滑而實者。大陷胸湯。脉浮天而虛者。柴胡陷胸湯。三者陽明病。內實不大便。腹滿潮熱而短氣者。大柴胡湯。四者乾嘔短氣。痛引脇下。汗出不惡寒者。此表解裏未和也。十棗湯。在溪丹可。五者短氣煩燥。心中懊惱者。梔子豉湯。六者少陰病。脉沉細遲。四逆面上惡寒。有如刀刮。口鼻之氣難以布息。而短促者。通脉四逆湯。加人參七者。因汗吐下後。元氣虛弱。脉來微細。氣不相續。而短促者。大建中湯。八

者風濕相搏。一身盡痛。小便不利。惡風。不欲去衣被。而短氣者。甘草附子湯。九者食少飲多。水停心下。煩悶短氣者。茯苓甘草湯。兼小便難。五苓散。大抵心腹脹滿。按之硬痛。而短氣者。為裏實。宜承氣輩。若心腹濡軟。不脹滿。而短氣者。為表邪。宜瀉心輩。若少心不足以息。脉微弱。而短促者。為氣虛。宜理中輩。此傷寒短氣之大畧也。若溫病鬱熱。內迫氣多急促。須看兼證。舌上白胎如屑。清化湯增損。三黃石膏湯。若胎黃及黑色。而短氣加味涼膈散。或解毒承氣湯急下之。若病者屬四損之輩。又當詳辯。蓋短氣有類於喘。但短氣則氣急而短促。不似喘之搖肩而氣粗也。大抵氣急而不相續。多屬實。少氣不足以息。多屬虛。以此辯之。百不失。

呃逆

呃逆者。氣上逆而呃忒也。內經作噦。即此字之聲也。即此證也。勿誤作咳逆。咳逆者。咳嗽之甚也。非呃逆也。呃逆者。纔及咽喉則遽止。呃呃然連續數聲。而短促不長也。如傷寒胃熱失下。內實大便硬。呃逆者。脉必應指有力。調胃承氣湯。便軟者。生薑瀉心湯。胃虛有熱。呃逆者。橘皮竹茹湯。有痰飲者。脉必弦滑。小半夏生薑湯。脉細微。呃逆者。胃寒也。橘皮乾姜湯。丁香柿蒂湯。金匱要畧曰。其氣自臍下直上。衝於胸膈間。而呃逆者。此陰證也。其病不在胃也。乃肝腎虛寒之極。而挾陰火上衝。以病本下虛。內已伏陰。或誤服寒冷之藥。遂令寒極於下。逼其相火上衝。率集於胃中。而呃逆亦欲盡也。急服腎氣丸。料又病人呃逆煩燥。自覺甚熱。他人以手按之。其肌膚則冷。此為無根失守之火。散亂為熱。非實熱也。乃水極似火。陰證似陽也。若不識此。誤用涼藥。下咽立斃。大建中湯。或附子湯。加肉桂乾薑。急溫其下。真陽回。陰火降。呃逆乃止也。如寒極呃逆不已者。兼用硫黃乳香等分為末。酒煎釀之。或以艾湯調服。硫黃末二錢。或艾炙中脘。關元氣海更妙。凡呃逆而二便不通者。屬實熱。凡呃逆而厥逆自利者。屬虛寒。凡呃逆不尿。腹滿者不治。凡久病而見呃逆者。此真氣已衰不治。凡舌短灰黑。及頭汗不得尿。與自利腹痛而呃逆者不治。凡呃逆脉

陶氏無理
之甚誤人
不淺

散者死。按以上論傷寒呃逆寒熱死生之論無遺蘊矣。若溫病無陰證不在此例。佛熱攻發火性上炎氣逆而呃呃連聲也。治法各從其本證而消息之。大概不外清化升降加味涼膈以清熱導滯為主。如見白虎證則投白虎見承氣證則投承氣。膈間痰閉則用滌痰湯滾痰丸。但治本證呃自止其餘可以類推矣。按呃逆一證古無是名俗謂打攔忒是也。其在內經本謂之噦因其呃呃連聲故今人以呃逆名之於義亦安。孫真人云遍尋方論無此名遂以欬逆為噦致令後世訛傳乃以欬逆嘔吐噦乾嘔噦氣之類互相淆亂紛紛聚訟自唐迄今余用析而判之曰噦者呃逆也非欬逆也欬逆者欬嗽之甚也非呃逆也乾嘔者無物之吐即嘔也非噦也噦者飯食之息即噦氣也非欬逆也嘔者有聲有物也吐者無聲出物也後人但以此為鑑則異說之疑可以盡釋矣。

呃厥

陶氏曰吐呃雖有大熱忌用冷藥犯之必死。胃中有寒則呃上膈大凶之兆。急服理中安呃散待呃定却以小柴胡湯退熱此說謬矣。又傷寒吐呃責於寒雜證吐呃責於熱此說亦謬紛紛聚訟迄無定見。余按傷寒七八日脉微而厥膚冷其人躁無暫安時者此為藏厥非呃厥也。四逆湯主之。至於肝藏或寒或熱以致胃無穀氣呃不安其位至咽而吐須看本證消息治之。如寒則靜而復時煩宜烏梅丸理中安呃散如熱則煩嘔不止宜黃連解毒湯白虎湯俱加川楝子使君子烏梅此大畧也。若治溫病而用理中烏梅正如抱薪投火輕病致重重病致危蓋溫病無陰證若至吐呃則表裏三焦熱鬱亢極不思現在事理徒記紙上文詞因之誤人甚矣。胃熱如沸呃動不安下氣不通必反於上呃因嘔出此常事也。酌用增損三黃石膏湯加味涼膈散俱加川楝子使君子烏梅則熱退而呃自不出耳。大抵胃脘忽痛忽止身上下寒乍熱面上時赤時白脉息倏亂倏靜皆吐呃之候也須早辯之。

厥逆

厥逆陰陽之氣不相順接手足寒涼便為厥也。凡有四逆者便當早察寒熱虛實而施治。大抵病至發厥正氣已極。但有陰厥陽厥之分。辯之一差。死生立判。凡傷寒陽厥者必先因熱。其不解而後發厥也。仲景曰：厥深熱亦深。厥微熱亦微是也。切其脈雖沉而有力。四肢雖涼。有時而溫。或手足心溫。戴氏以為指甲却煖。大便燥求譴語。發渴擲手擲足。畏熱喜冷。與之冷水則嘔。此乃陽厥之候。仲景曰：厥逆手足冷。脈滑者裏有熱也。白虎湯主之。劉河間曰：肢體厥逆。惟心胸有逆。以涼膈散表陰退陽。不宜速下。大便秘者以黃連解毒湯調之。故凡夜證可速下者。內有燥糞也。必以手夜人之臍腹上下左右。或硬或痛。或腹中轉氣。下洩味臭者。有燥糞也。乃可下之。宜調胃承氣湯。近有陽證自腰以上常熱。兩腳常冷。蓋三陰脈上不至頭。故陰證頭不痛。三陽脈下不至足。故陽證亦足冷也。孫兆曰：凡陰證脛冷兩臂亦冷。若脛冷臂不冷。則非下厥上行。所以知是陽微厥也。陽厥雖曰陽邪在裏。其不可下。蓋傷寒以陽為主。厥逆有陰進之象。若復用苦寒下之。則陽亦虧矣。是所在忘。宜四逆湯輕劑以和之。又有邪傳厥陰。誤下厥逆。寸厥沉遲。呆脈不至。咽喉不利。吐膿血。泄利不止。麻黃升麻湯主之。凡傷寒陰厥者。初起無身熱頭痛。便就惡寒。直至脛脛以上。過乎肘膝。引衣踰卧不渴。或兼腹痛吐瀉。小便清白。或淡黃。切其脈沉遲微細無力。此為陰經直中真寒證。不從陽經傳入。自是白通四逆一派。又有初是陽證。傳陽經或因復着外寒。或因誤服涼藥太過。或因誤下而致虛極。則積陰盛於下。陽氣衰於上。變成陰證。真武湯加人參。又有病者手足厥冷。言我不結胸。小腹滿。按之痛者。此寒氣結在膀胱關元也。四逆湯加吳茱萸。大抵陽厥邪熱轉入轉深。狂亂譫妄。必然神志昏憤。人事迷惑。陰厥便利不渴。身踰多臥。醒則人事了了。神志清明。此大端也。若溫病厥逆。無陰厥雜氣伏鬱。陽熱內迫。格陰於外。氣閉不能達於四肢。其有通身又涼。其脈多沉滑。或沉伏。或沉細欲絕。或六脈俱閉。所云體厥脈厥是也。證多怪異不測之狀。輕則升降散增損雙解散。加味涼膈散。重則加味六一順氣湯。解毒承氣湯。斟酌下之。豈可與傷寒陽厥並論哉。若數下後厥不回。熱不退者。死。

亦有下數十次。利下數十行。厥方回熱方退。而得生者。正所云急證急攻下之。或可活。不下必死無疑矣。此則溫病厥逆治法也。外有壞病。多厥逆煩燥者。不獨陽極陰極也。當辨陽傷陰傷治之。陽陰則宜滋養。後天胃氣兼助下焦真陽補陰益氣煎。或大溫中飲。陰傷則宜滋補先天真陰兼清血中之熱。左歸丸料。或六味地黃丸料。俱加青蒿地骨皮。是在臨證活法。不得如初病厥逆例治也。

大便自利

自利者。不因攻下。自然溏瀉也。要在辯寒熱而治之。庶幾無差。大抵傷寒陽熱之利。與陰寒之利不同。陽利渴欲引水。小便色赤。或深黃。發熱後重。裏色焦黃。或為腸垢。所去皆熱。其臍下必熱。得涼藥則愈。若陰利則不渴。小便色白。或淡黃。厥逆脉沉遲。洞下清穀。或為驚塘。裏色淡黃。或白。臍下多寒。得溫補藥則愈。三陽下利身熱。太陰下利手足溫。少陰厥陰下利身涼無熱。此其大概耳。傷寒合病家。皆作自利。太陽陽明合病下利。葛根湯。太陽少陽合病下利。黃芩湯。少陽陽明合病下利。小柴胡湯。加葛根白芍。合病發熱自利。皆為表邪。不可例以為裏證也。唯有陽明一證。脉浮而遲。遲為風。遲為寒。表熱裏寒。內寒。下利清穀者。胃中虛冷。宜用理中湯可知矣。若寒甚厥逆。脉沈者。附子必加之。若腹滿小便不利者。宜五苓散。合理中湯。若嘔者。加半夏生薑。自利而渴。屬少陰虛。故引水自救。下利脉微者。與白通湯。以通其陽。而消其陰。利仍不止。厥逆無脉。乾嘔煩者。白通加人尿猪膽汁湯。借膽汁嚮道之力。以引湯藥深入。服湯後。脉暴出者。死。氣因泄脫也。脉續出者。生。陽氣漸復也。少陰病。腹痛小便不利。四肢沉重疼痛。而下利者。此為有水氣。或咳或嘔。或小便利者。真武湯去白芍。加乾薑。以運脾。膠水為務。少陰病下利清穀。裏寒外熱。手足厥冷。脉微欲絕。身反不惡寒。高時色赤。通脉四逆湯。少陰病吐利。手足厥冷。煩燥欲死者。吳茱萸湯。少陰病下利六七日。咳而嘔渴。心煩不得眠者。猪苓湯。自利不止。裏寒下脫。此利在下焦。赤石脂禹餘糧湯。服湯後。利仍不止。

當利其小便。鹽猪苓湯。少陰病四逆或咳或悸或小便不利或腹中痛或泄利下重者。四逆散加薤白。此亦陽邪傳至少陰。陷入於裏而不得交通。陽分故不以寒苦攻之。而但以此散和之。少陰病自利清水色青。心下必痛。口乾燥者。急下之。以存津液。大承氣湯。蓋熱邪傳入少陰。逼迫津水。注為自利。質清而無渣穢。相雜色青而無赤黃。相間。此正陽邪暴橫。反類陰邪。但陽邪傳自上焦。其人心下必痛。口必乾燥。設係陰邪。則心下滿而不痛。口中和而不燥。必無此枯槁之象。故宜急下以救其陰也。厥陰下利。清穀裏寒外熱。汗出而厥者。通脈四逆湯。下利腹脹滿。身體疼痛者。先溫其裏。四逆湯。乃攻其表。桂枝湯。此總以溫裏為急也。下利脉大者。虛也。以強下之。太早故也。設脉浮革。因而腸鳴者。當歸四逆湯。大汗出。熱不去。內拘急。四肢痛。又下利。厥逆而惡寒者。四逆湯。惡寒脉微而復利。利止亡血也。蓋亡血本不宜用薑附以損陰。陽虛又不當用歸芍以助陰。此利後惡寒。陽氣下脫已甚。故必用四逆湯以復陽為急也。再入人參。則陽藥愈為得力。陽生則陰長。設用陰藥。必致腹滿不食。或重加泄利。嘔逆轉成下脫而危矣。下利譫語者。有燥糞也。蓋下利則熱不結。胃不實。何緣得此譫語。此必熱反於胃。內有燥糞。故雖下利而結者自若也。又用小承氣湯。以蕩熱潤燥。微攻其胃。則愈。熱則下重。與下利欲飲水者。以有熱在腸胃故也。俱宜白頭翁湯。下利後更煩。按之心下濡者。為虛煩也。宜梔子豉湯。若溫病拂鬱內盛。發熱煩渴。小便色赤。大便自利。升降散主之。內熱甚而利不止。燥悶狂亂者。增損三黃石膏湯。加酒大黃。腹滿痛。更加之。挾熱下利者。因其人大便素澀。邪忽乘胃。便作煩渴。午後潮熱。便作瀉泄。宜升降散。小承氣湯。徹其餘邪。而利自止。熱結旁流者。以胃家實。邪熱壅閉。大便先秘。續得下利。純臭水。全然無糞。以加味六一順氣湯下之。得結糞而利立止。若下得結糞。仍下臭水。及所進湯藥。因大腸邪深。失其傳送之識。知邪猶在也。再以前湯重下之。虛甚則宜黃龍湯。此內經通因通用之法也。大抵下利脫氣至急。五奪之中。惟此為甚。故不厭詳審。傷寒下利。日十餘行。脉反實大者。死。傷寒發熱下利至甚。厥不止者。死。夫厥證但發熱則不死。以發熱則邪出。

於表而裏證自除。下利自止也。若反下利。厥逆有加。則其發熱。又為真陽外散之候。陰陽兩絕。故主死也。傷寒發熱。下利。厥逆。不得臥者。死。夫燥不得臥。腎中陽氣越絕之象也。下利手足厥逆。皆為危候。以四肢為諸陽之本也。加以發熱。燥不得臥。不但虛陽發露。而真陽亦燼盡無餘矣。安得不死。金匱要畧曰。六府氣絕於外者。手足寒。五藏氣絕於內者。利不禁。氣已脫矣。孰能治之。

大便膿血

長沙著便膿血無死證。世醫用溫熱之藥。罔或得痊。殊不知此證屬熱者十之九。古人云。見血無寒。又云。血得熱而妄行。溫熱之藥。豈可輕投。如傷寒太陽病。誤發淋瀝。汗因便膿血。宜指苓湯。由小便淋瀝所致。利其小便自愈。經曰。淋家不可發汗。發汗則便膿血是也。太陽病。以火薰之。不得汗。其人必燥。利不解。必清。因血黃連阿膠湯。陽明病。無表裏證。發熱。雖脈浮數。可以下之。脈數不解。下利不止。脇熱。便膿血者。地榆散。二證乃熱勢迫血下行。折其火邪自愈。其在少陰下利。便膿血不腹痛。與四五日腹痛。小便不利。便膿血者。俱桃花湯主之。蓋調正氣。澹滑脫。亦辛以散之之意也。又少陰七八日。一身手足盡熱。以熱在膀胱。必便血也。此藏府合病。白頭翁湯主之。厥陰先厥後熱。下利必自止。若不利。必便膿血。又厥少熱多。其病當愈。四日至六七日。熱不除者。必清膿血。又下利。脈數而渴者。今自愈。設不瘥。必清膿血。又下利。寸脈反浮數。尺中自濡者。必清膿血。四證皆傳經之熱邪也。悉白頭翁湯主之。若溫病。佛熱結滯。火勢下注。陽實陰虛。大便膿血。甚如豚肝。如爛瓜肉。屋漏水者。大清涼散。增損三黃石膏湯。或當歸導滯湯。加減消息治之。子用升降散治此大證。而得愈者。若許人。真神方也。

小便不利不通

凡傷寒小便不利。當分六經施治。不可與雜證同論。而溫病小便不利。又不可與傷寒同論也。六陽病。汗下後。仍頭項強痛。發熱無汗。心滿微痛。小便不利者。桂枝去芍加白朮茯苓湯。太陽病發熱。脈浮煩渴。小

續論氣分
血分二語
溫病言簡
證病透骨
意難言
至此如發
初發千言
而論兩言

千古隻眼

便不利者五苓散。但有汗多者不可用也。陽明病脉浮發熱渴欲飲水小便不利者猪苓湯。若汗多者小便原少不可用也。若脉洪大舌燥飲水小便不利者白虎湯。或玉泉散。六一散亦可。若大便乍數下見小便不利而熱者此有燥糞也。調胃承氣湯。若頭汗出壯熱渴飲水漿小便不利者必發黃也。茵陳蒿湯加木通滑石少陽病發熱口渴或嘔或心下悸小便不利脉弦數者小柴胡湯加白茯苓口乾燥去半夏加陳皮麥冬竹葉太陽病腹滿自利小便不利無熱脉沉者理中湯合五苓散加厚朴木香分利其水而大便自實也。少陰病四五日小便不利四肢重沉自下利者直武湯。少陰病四逆或咳或悸或瀉利下重或小便不利者四逆散加白茯苓厥陰病寒閉厥逆脉沉囊縮小便不利者四逆湯加木通白茯苓或炙氣海關元或以葱白搗炒熨法治之。大抵膀胱為津液之府氣化而能出。若有汗多者津液外泄小便自少不可利之。恐亡津液也。待汗止小便自行矣。若溫病小便不利因陽明熱鬱氣結不舒故小水滯滯而短少也。以升降散通之則清氣一升而濁氣自下降矣。亦有熱小便不利者宜小復甦飲又小便不通其因有二。有熱鬱者有寒凝者。溫病皆熱鬱用元明粉芒硝亦可三錢雞子清一枚蜂蜜三匙和一處或新汲水或燈心煎湯或車前草調汁服其則以解毒承氣湯下之利水無益也。傷寒有熱鬱亦有寒凝寒則茯苓四逆湯或以鹽入臍中蒜片蓋之堆艾葉於上灸七壯自通或以炒鹽熨臍並治腹痛皆妙法也。熱則以八正散通之。

續論曰傷寒小便不利以脉浮者屬氣分五苓散脉沉者屬血分猪苓湯而溫病之小便不利脉浮者屬氣分猪苓湯脉沉者屬血分承氣湯蓋傷寒自氣分而傳入血分溫病由血分而發出氣分不可以此而礙彼也。

小便自利

傷寒小便不利正因不當利而反自利也。如太陽陽明自汗不應小便利而反自利者寒為膀胱不熱。

為畜血使然。是以傷寒之一證也。要得不辯治乎。太陽小便自利。以飲水多。必心下悸。桂枝甘草湯。身黃小便當不利。今反自利。其人如狂。下焦畜血也。代抵當湯。九二便俱自利。六脉沉遲。四逆湯。陽明自汗。應小便不利。而反自利。津液內竭也。冀雖硬不可攻。宜蜜煎導法。一法以白朮自然汁。大麻仁汁。生芝麻汁。等入蜂蜜。調服一二次。自下。凡大便閉。小便自利。知其熱自內也。宜承氣輩。大便通。小便清白。自利。知其內虛寒也。宜四逆輩。若溫病。小便自利。無陰證。乃邪熱干於血分。畜血尿血。邪留欲出。小便數急。膀胱不約而自遺也。升降散。或桃仁承氣湯。去桂加丹皮。牛膝。枳殼。合黃連解毒湯。去其邪熱。自愈。

小便數

小便數者。頻來而短少也。膀胱積熱。熱則小便濇。乃水行不快。淋瀝而數起也。在傷寒自外傳內。五苓散。猪苓湯。在溫病由內達外。神解散。升降散。又太陽傷寒。脉浮大。自汗。脚變急。心煩微惡寒。小便數者。此虛寒所致。桂枝加附子湯主之。不可行桂枝湯。得之便厥咽乾。吐逆煩燥。譫語。與甘草乾薑湯。以復其陽。厥愈足溫。再與白芍甘草湯。其脚即伸。若陽明猶有餘風生熱。胃氣不和。譫語者。少與調胃承氣湯。和之。又小便數。腎與膀胱俱虛。愛熱乘之。為虛不能制水也。人參三白湯。加熟地黃。柏知母。麥冬。

心悸

悸者。心中築築然動。怔忡不安也。傷寒心悸之由。不過氣虛停飲兩端。氣虛由陽氣內弱。心下空虛。正氣內動。而為悸也。小建中湯。其則大建中湯。或人參三白湯。脉沉心悸。頭眩身軀振。真武湯。停飲由水停心下。心屬火而惡水。水既內停。心不自安。而悸。茯苓甘草湯。或五苓散。分利之。脉結代。心動悸。炙甘草湯。又發汗過多。其人必大手足冒。心心悸喜按。桂枝甘草湯。其則炙甘草湯。又發汗過多。心液虛耗。臍下悸者。欲作奔豚。腎來心虛上凌而越。茯苓桂枝甘草大棗湯。寒熱心悸。小便不利。心煩喜嘔。小柴胡湯。心神不寧。怔忡不眠。朱砂安神丸。若溫病心悸。鬱熱內盛。火性上衝。加味涼膈散。增損三黃石膏湯。看兼證消息之。

瘕

瘕者。如用弓反張也。以胃為總經筋急而縮之。故由於濕。生熱熱生瘕。瘕生風。風火彌其木。勝起土。筋不能榮。輕則瞋惕癱瘓。手足戰掉。重則鼻煽目直。頭折臂反。在傷寒以六一順氣湯下之。在溫病以加味六一順氣湯下之。蓋瀉土所以瀉木也。若傷寒有不可下者。以四物湯合桂枝湯加黃連加柴黃芩防風鈎藤鈎則血和風火自滅也。

肉瞋筋惕

瞋者。肌肉蠕動惕者。筋脉動跳也。此因發汗攻下太過。邪熱未解。血虛氣奪。筋肉失其所養。故惕惕而跳動也。凡傷寒惕瞋兼肢冷者。真武湯。輕者桂苓甘木湯。汗下後虛極而惕瞋者。人參養榮湯。大建中湯。汗下後虛極煩而不得眠。惕瞋者。加味溫膽湯。若不經汗下而肉瞋筋惕。潮熱未尤。其大便必結。小便赤滿。以手按臍傍硬痛。此燥糞也。大柴胡湯加芒硝。如初病便見肉瞋筋惕。必先元氣虛損。或失血房室勞役。及新產崩漏。致有是證。人參養榮湯。若誤用表藥。必無生理。倘不詳辯寒熱虛實。而欲治之。無差難矣。若溫病而見惕瞋之證。此陽明火毒。陷入厥陰。陽明主潤宗筋。燔灼津液。弗榮而動。加味六一順氣湯解毒承氣湯消息治之。設有虛而惕瞋者。必入四損。不可正治之條。一實一虛。其脉證畢竟有辨。隨證變治。全賴醫者活法耳。

古捲囊縮

扁鵲曰。古捲囊縮者死。然在古人。雖曰死證。亦不可不盡心以救之。但有因熱極而捲縮者。有因寒極而捲縮者。要在詳細辨之。凡熱極者宜下。傷寒從三陽熱證傳至厥陰。而見此證者。乃肺氣燔灼。水受火困。而不得舒縱。訖菴云。陽明之熱。陷入厥陰。陽明主潤宗筋。為筋為熱所攻。弗榮而急。引古與聖丸為熱極危殆之候。男子則囊縮。婦人則乳頭縮。如脉實便秘。口渴煩滿之極。六一順氣湯加黃連。若溫病邪鬱中。

小水出便利則
肺氣不逆
可化也
水不化
可治也
故曰可

焦流佈上下以致肺臟受傷水不勝火陰不敢陽筋脉弗榮故有此證加味六一順氣湯或解毒承氣湯凡寒極者宜溫傷寒始病無熱惡寒使厥逆無脉而見此證乃厥陰虛寒內則經血失養而引急不舒外則肢體蹇曲而下部不溫乃肝氣垂絕之候急用四逆湯加人參肉桂吳茱萸黃溫之並灸關元氣海及葱熨法溫病無陰證

循衣抹牀

華陀曰傷寒循衣抹牀者死傷寒論曰傷寒若吐若下後不解不大便五六日至十餘日晡潮熱不惡寒獨語如見鬼狀若劇者發則不識人循衣抹牀惕而不安微喘直視脉弱者生滑者死微者但發熱語大承氣湯主之若一服利止後服又曰傷寒手足燥擾捻衣抹牀小便利者其人可治可見此證非大實即大虛但參其證審其音察其脉而分治之實而便秘大承氣湯虛極熱極不下必死者黃龍湯虛而便滑獨參湯厥逆加附子若亡血者又當用生地黃連湯大抵陰陽二氣將絕者則妄言撮空也要全善曰嘗治循衣抹牀數人皆用大補氣血之劑一人兼調振脉代遂於補劑中加肉桂五亦振止脉和而愈汪叔菴曰妄言撮空有因氣虛脫陽而言者皆宜用參附補劑兩說確有至理若溫病陽明邪熱亢閉上乘心肺致令神志昏憤多有撮空之證宜解毒承氣湯下之如火盛精神用熟地兩歸身七錢山藥五錢煮湯入前藥煎服每收奇功若久病神昏氣血陰陽四損者自當從婁汪之說而消息之

按脉弦者生之弦字當是滑字弦為陰負之脉豈有必生之理惟滑脉為陽始有生理沉滑者通也滑者塞也凡物之理未有不以通為生而滿為死者宜改之

煩燥

煩者心不安而擾擾心胸愠怒如有所解外不見形為熱尚輕燥者身不安而憤亂手足動掉若無所指內外不寧為熱最劇凡傷寒表邪熱盛脉浮緊不得汗出而煩燥者大青龍湯大熱錯語呻吟乾嘔不眠煩燥數脉者黃連解毒湯或竹葉石膏湯內有燥蘊繞臍腹痛煩燥調胃承氣湯誤汗誤下病仍不解煩